



SIARAN AKHBAR

PELANCARAN FINANCIAL FUN FAIR BDCB KE-5

Jerudong Park Colonnade

Sabtu, 26 Safar 1446H bersamaan dengan 31 Ogos 2024

1. Brunei Darussalam Central Bank (BDCB), dengan kerjasama Jerudong Park Country Club Sdn Bhd, telah melancarkan acara Financial Fun Fair BDCB yang ke-5 di Jerudong Park Colonnade pada hari Sabtu, 26 Safar 1446H bersamaan dengan 31 Ogos 2024.
2. Acara ini turut dianjurkan oleh beberapa organisasi sebagai Rakan Emas, termasuk Baiduri Bank, Bank Islam Brunei Darussalam (BIBD), Datastream Digital Sdn Bhd (DST), The Great Eastern Life Assurance Company Limited, MoneyMatch, National Digital Payments Network (ndpx), Progresif Sdn Bhd, Standard Chartered Brunei, Perbadanan Tabung Amanah Islam Brunei (TAIB), Insurans Islam TAIB Family Takaful Sdn Bhd (IITFT) and Takaful Brunei.
3. Acara telah dirasmikan oleh Yang Berhormat Dato Seri Setia Dr Awang Haji Mohd Amin Liew bin Abdullah, Menteri di Jabatan Perdana Menteri dan Menteri Kewangan dan Ekonomi II selaku tetamu kehormat. Turut hadir ialah Yang Berhormat Datin Seri Setia Dr. Hajah Romaizah Binti Haji Md Salleh, Menteri Pendidikan juga selaku Pengerusi Majlis Kebangsaan Celik Kewangan (MKCK); Yang Mulia Dato Seri Paduka Haji Khairuddin bin Haji Abdul Hamid, Timbalan Menteri Kewangan dan Ekonomi [Ekonomi] juga selaku Pengerusi Lembaga Pengarah BDCB dan Timbalan Pengerusi MKCK; YM Hajah Rokiah binti Haji Badar, Pengarah Urusan BDCB; ahli-ahli Lembaga Pengarah BDCB; ahli-ahli MKCK dan pegawai-pegawai kanan Kerajaan; dan ketua-ketua pegawai eksekutif dan pengarah-pengarah urusan institusi-institusi kewangan di negara ini.
4. Dalam ucapan alu-aluan tetamu kehormat, YB Dato menekankan pentingnya celik kewangan dalam pembangunan negara dan sebagai kunci kepada kebebasan kewangan dengan membolehkan orang ramai mengurus kewangan mereka dengan bijak, mengelakkan hutang berlebihan, dan membuat keputusan kewangan yang baik dalam kehidupan seharian. Celik kewangan juga membantu perniagaan untuk berkembang, mencipta peluang pekerjaan, dan melabur dengan bijak. Ini boleh menyumbang kepada kestabilan ekonomi dan inovasi sambil mengurangkan pengangguran dan meningkatkan daya tahan perniagaan dan individu terhadap ketidakpastian ekonomi. YB Dato juga menyentuh mengenai tema Financial Fun Fair iaitu 'Celik Kewangan Digital', yang bertujuan untuk memperkasakan individu dan keluarga dengan kemahiran penting untuk menggunakan perbankan dalam talian, transaksi digital, dan keselamatan siber dalam era digital masa kini. YB Dato turut menyampaikan penghargaan beliau kepada semua pihak berkepentingan yang terlibat dalam menjayakan Fun Fair ini atas komitmen mereka dalam mempromosikan celik kewangan dan pengurusan kewangan yang bertanggungjawab.
5. Majlis turut menyaksikan pelancaran aplikasi mudah alih BDCB baharu, yang telah dirasmikan oleh tetamu kehormat. Kini tersedia di Google Play Store, aplikasi mudah alih ini menawarkan pelbagai

ciri interaktif yang direka untuk meningkatkan akses kepada sumber-sumber yang disediakan oleh BDCB. Para pengguna boleh mengakses bahan-bahan komunikasi terkini dari BDCB dan senarai entiti yang dilesenkan oleh BDCB, Alert List BDCB, dan Baki Wang Yang Tidak Dituntut. Aplikasi ini juga mengandungi beberapa kalkulator kewangan yang praktikal untuk membantu pengguna menguruskan kewangan mereka dengan lebih berkesan. Selain itu, ia memaparkan maklumat mengenai ciri-ciri keselamatan mata wang Brunei yang bertujuan untuk membolehkan orang awam untuk mengenali mata wang tulen dan membezakannya dengan mata wang palsu. Versi iOS bagi aplikasi ini akan dilancarkan dalam masa terdekat dan akan diumumkan melalui saluran-saluran rasmi BDCB.

6. Financial Fun Fair ini yang berlangsung selama dua hari menawarkan pelbagai aktiviti-aktiviti interaktif sesuai untuk seisi keluarga yang direka untuk mempromosikan kemahiran dan pengetahuan penting berkaitan pengurusan kewangan, seperti menabung, takaful dan insurans, perancangan persaraan, dan perlindungan pengguna kewangan. Selain itu, acara juga dimeriahkan dengan persembahan-persembahan oleh satu pancaragam Pasukan Polis Diraja Brunei (PPDB), Relentless Entertainment, dan persembahan komedi. Di Fun Fair tersebut juga terdapat peniaga-peniaga yang menjual makanan dan minuman bagi orang ramai.
7. Untuk maklumat lanjut mengenai inisiatif-inisiatif BDCB dalam mempromosikan celik kewangan, sila layari laman web BDCB di www.bdcg.gov.bn dan ikuti BDCB di Instagram melalui akaun @centralbank.brunei.

Brunei Darussalam Central Bank

Date: 26 Safar 1446 / 31 Ogos 2024

Ref: BDCB/COMMS/3